



Број: 01/4-50-3-4-35/16
Сарајево, 9.11.2016.

Z A P I S N I K

35. sjednice Komisije za finansije i budžet Predstavničkog doma Parlamentarne skupštine BiH, održane 8.11.2016., od 11,40 do 13,05 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Aleksandra Pandurević, Dušanka Majkić, Amir Fazlić, Mirsad Isaković, Jasmin Emrić i Damir Bećirović.

Sjednici su, također, prisustvovali: Jasmin Pilica, pomoćnik generalnog revizora Ureda za reviziju institucija BiH, Sanja Jokić, sekretarka, Zakira Muratović i Sehija Mujkanović, pomoćnice ministra, Senada Sijanić, Dragana Lažetić i Nedeljko Tanasković, šefovi odsjeka u Ministarstvu finansija i trezora BiH, Milana Popadić, pomoćnica ministra u Ministarstvu pravde BiH, Hazim Šabanović, oficir za vezu u Švedskom revizorskom uredu, Samir Mušović, savjetnik, Elma Muratović i Aleksandar Paleksić, saradnici Projekta USAID-SGIP, Nejra Neimarlija-Roić, saradnica u Institutu za razvoj mladih KULT, Robert Vidović, sekretar Komisije za finansije i budžet Doma naroda PSBiH, Zoran Brkić, viši stručni saradnik Odjela za informiranje Sektora za odnose s javnošću Sekretarijata PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija: Snežana Samardžija, novinarka SRNA-e, Mustafa Karahmet, novinar BH Radija 1, i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 33. sjednice Komisije;
2. Razmatranje Prijedloga zakona o izmjenama i dopunama Zakona o plaćama i naknadama u institucijama Bosne i Hercegovine – prva komisijska faza (predlagač: Vijeće ministara BiH);
3. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Šemsudin Mehmedović);

4. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine – prva komisijska faza (predlagač: Vijeće ministara BiH);
5. Razmatranje Informacije o stanju javne zaduženosti Bosne i Hercegovine na dan 30.6.2016. (podnosilac: Ministarstvo finansija i trezora BiH).

Predsjedavajući je, u skladu s dogovorom s 34. sjednice Komisije za finansije i budžet, održane 7.11.2016., predložio da se dnevni red 35. sjednice Komisije dopuni sljedećom tačkom „Izjašnjavanje Komisije o zaključcima po Izvještaju o reviziji izvršenja Budžeta institucija BiH za 2015. godinu (sačinilac: Ured za reviziju institucija BiH)“, ta da se ova tačka dnevnog reda razmatra kao tačka 2. dnevnog reda, a da tačka 2. postane tačka 3. dnevnog reda.

Kako nije bilo drugih prijedloga za izmjenu i dopunu dnevnog reda, predsjedavajući Komisije zatražio je da se članovi Komisije izjasne o iznesenom prijedlogu, te je konstatirao da je prijedlog jednoglasno prihvaćen.

Zatim je zatražio da se članovi Komisije izjasne o izmijenjenom dnevnom redu, te konstatirao da je jednoglasno usvojen sljedeći:

DNEVNI RED

1. Usvajanje Zapisnika 33. sjednice Komisije;
2. Izjašnjavanje Komisije o zaključcima po Izvještaju o reviziji izvršenja Budžeta institucija BiH za 2015. godinu (sačinilac: Ured za reviziju institucija BiH);
3. Razmatranje Prijedloga zakona o izmjenama i dopunama Zakona o plaćama i naknadama u institucijama Bosne i Hercegovine – prva komisijska faza (predlagač: Vijeće ministara BiH);
4. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Šemsudin Mehmedović);
5. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine – prva komisijska faza (predlagač: Vijeće ministara BiH);
6. Razmatranje Informacije o stanju javne zaduženosti Bosne i Hercegovine na dan 30.6.2016. (podnosilac: Ministarstvo finansija i trezora BiH).

Ad.1. Usvajanje Zapisnika 33. sjednice Komisije

Zapisnik 33. sjednice Komisije usvojen je jednoglasno, bez primjedbi.

Ad.2. Izjašnjavanje Komisije o zaključcima po Izvještaju o reviziji izvršenja Budžeta institucija BiH za 2015. godinu (sačinilac: Ured za reviziju institucija BiH)

U uvodnim napomenama predsjedavajući Komisije konstatirao je da je Komisija na 34. sjednici, održanoj 7.11.2016., prihvatila Izvještaj o reviziji izvršenja Budžeta institucija BiH za 2015. godinu. U vezi s tim, dogovoreno je da se Komisija na 35. sjednici izjasni o zaključcima po Izvještaju o reviziji izvršenja Budžeta institucija BiH za 2015. godinu.

Potom je predsjedavajući otvorio raspravu u kojoj su učestvovali: Jasmin Emrić, Predrag Kožul, Dušanka Majkić, Damir Bećirović, Jasmin Pilica, pomoćnik generalnog revizora u Uredu za reviziju institucija BiH, i Samir Mušović, savjetnik u projektu USAID SGIP.

Nakon rasprave, Komisija je, sa sedam glasova „za“, jednim glasom „protiv“ i jednim „suzdržanim“ glasom, usvojila sljedeće zaključke:

1. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da do kraja 2016. razmotre Izvještaj o reviziji izvršenja Budžeta institucija BiH za 2015. godinu i da zajedno izrade program aktivnosti i mjera koje će biti preduzete u pravcu prevazilaženja nedostataka u poslovanju prezentiranih u revizorskom izvještaju i preventivnih mjera kojima će spriječiti ponavljanje istih nalaza u narednim izvještajima revizije. Navedeni program aktivnosti i mjera treba da bude javno objavljen najkasnije do kraja februara 2017. godine na internetskim stranicama Vijeća ministara BiH i Ministarstva finansija i trezora BiH, te da se u kopiji dostavi Parlamentarnoj skupštini BiH u istom roku.
2. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da promptno pristupe sveobuhvatnoj realizaciji preporuka revizije koje su sadržane u tekstu Izvještaja o reviziji izvršenja Budžeta institucija BiH za 2015. godinu, te da Parlamentarnoj skupštini BiH dostave popunjenu tabelu iz priloga 1. ovih zaključaka, najkasnije do 1.3.2017.
3. Predstavnički dom Parlamentarne skupštine BiH traži od Vijeća ministara BiH i Ministarstva finansija i trezora BiH da posebnu pažnju posvete jačanju sistema internih kontrola, te da, s ciljem povećanja efikasnosti finansijskog poslovanja i pouzdanosti finansijskih izvještaja, uspostave odgovarajući sistem internih kontrola kojima će smanjiti rizik od ponavljanja ili pojave novih grešaka u svom finansijskom poslovanju.

Ad.3. Razmatranje Prijedloga zakona o izmjenama i dopunama Zakona o plaćama i naknadama u institucijama Bosne i Hercegovine – prva komisijska faza (predlagač: Vijeće ministara BiH)

Prijedlog zakona o izmjenama i dopunama Zakona o plaćama i naknadama u institucijama BiH obrazložila je Sehija Mujkanović, pomoćnica ministra finansija i trezora BiH.

Potom je predsjedavajući otvorio raspravu u kojoj su učestvovali: Predrag Kožul, Dušanka Majkić, Damir Bećirović, Aleksandra Pandurević, Salko Sokolović i Sehija Mujkanović, pomoćnica ministra finansija i trezora BiH.

Nakon rasprave, Komisija je, sa šest glasova „za“ i tri glasa „protiv“, usvojila sljedeće zaključke:

- 1) Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjenama i dopunama Zakona o plaćama i naknadama u institucijama BiH u prvoj komisijskoj fazi, te traži od Kolegija

Predstavničkog doma Parlamentarne skupštine BiH da rok za dostavljanje mišljenja o Prijedlogu zakona produži za 60 dana.

2) Predstavnički dom Parlamentarne skupštine BiH traži od Vijeća ministara BiH da do 31.12.2016. izradi i u parlamentarnu proceduru dostavi sistemski i cjelovit Prijedlog zakona o plaćama i naknadama u institucijama Bosne i Hercegovine, kojim će obuhvatiti sve dosadašnje nedostatke koji su se javili u primjeni Zakona, ukazujući na potrebu sistemskog pristupa problematici reguliranja plaća i naknada zaposlenih u institucijama BiH, a ne povremenog ad hoc pristupa kojim se rješavaju pojedinačna aktuelna pitanja i zahtjevi pojedinačnih institucija.

Ad.4. Razmatranje Prijedloga zakona o izmjeni Zakona o plaćama i naknadama u institucijama Bosne i Hercegovine – prva komisijska faza (predlagač: poslanik Šemsudin Mehmedović)

Predsjedavajući je otvorio raspravu u kojoj su učestvovali: Amir Fazlić, Salko Sokolović, Predrag Kožul i Damir Bećirović.

Nakon rasprave, Komisija je, sa šest glasova “za” i tri glasa “protiv”, usvojila sljedeći zaključak:

1) Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjeni Zakona o plaćama i naknadama u institucijama BiH u prvoj komisijskoj fazi, te traži od Kolegija Predstavničkog doma Parlamentarne skupštine BiH da rok za dostavljanje mišljenja o Prijedlogu zakona produži za 60 dana.

Ad.5. Razmatranje Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine – prva komisijska faza (predlagač: Vijeće ministara BiH)

Prijedlog zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine obrazložila je Milana Popadić, pomoćnica ministra pravde BiH.

Potom je predsjedavajući otvorio raspravu u kojoj su učestvovali: Aleksandra Pandurević, Salko Sokolović, Predrag Kožul, Damir Bećirović, Sehiya Mujkanović, pomoćnica ministra finansija i trezora BiH, i Milana Popadić, pomoćnica ministra pravde BiH.

Nakon rasprave, Komisija je, s pet glasova „za“ i četiri „suzdržana“ glasa, prihvatila principe Prijedloga zakona o izmjenama i dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine.

Ad.6. Razmatranje Informacije o stanju javne zaduženosti Bosne i Hercegovine na dan 30.6.2016. (podnosilac: Ministarstvo finansija i trezora BiH)

Informaciju o stanju javne zaduženosti Bosne i Hercegovine na dan 30.6.2016. obrazložila je Zakira Muratović, pomoćnica ministra finansija i trezora BiH.

Potom je predsjedavajući otvorio raspravu u kojoj su učestvovali: Damir Bećirović, Mirsad Isaković i Zakira Muratović, pomoćnica ministra finansija i trezora BiH.

Nakon rasprave, predsjedavajući Komisije, konstatirao je da je Komisija primila k znanju materijal iz ove tačke dnevnog reda.

Ad.7. Tekuća pitanja

Članovi Komisije usaglasili su termin održavanja 36. sjednice Komisije za finansije i budžet Predstavničkog doma za 23.11.2016. Također, dogovoren je i termin održavanja sastanka članova komisija s predstavnicima Parlamenta Švedske i Švedskog revizorskog ureda za 1.12.2016. u Sarajevu.

Sekretar Komisije

Željko Kosmajac

Predsjedavajući Komisije

Predrag Kožul